

計捐穀一萬五千四百五十六石又捐建義倉銀一千三百五十七兩于貴陽府貴筑縣兩學宮內建倉三十八廩將谷石陸續交倉分儲以備不時贖濟之需並酌定經管章程條規期于經久有備無患據該府查明由司道議詳前來臣查捐數較多之但鍾良等二十名均與甄敘之例相符仰懇天恩交部分別議敘以示獎勵

以桑春榮爲貴州按察使

東華錄

孔慶瑚病免春榮由雲南迪南道遷

前事志二十三 起清文宗成豐五年七月六年

清

秋七月蔣爵遠奏停本年鄉試

蔣爵遠奏竊臣前因桐梓縣首匪楊鳳伏誅餘黨次第肅清察看情形貴州乙卯年鄉試自可照例舉行奏奉硃批禮部知道欽此茲查上游郎岱廳鎮甯州夷匪聚衆滋事官軍進剿獲勝該匪仍恃險負隅四出燒搶業添調滇兵節次奏報在案下游台拱黃平丹江清平等應州縣苗匪紛紛四出搶掠毛堡村寨

貴州通志

前事志二十三

五六

抗拒官兵必須厚集兵練協力堵剿現在士民齊團防守各保身家將來應試人少文武各員辦理軍務勢難兼顧科場掄才大典一經貽誤關係非輕臣不敢因其奏在先稍有迴護自干咎戾相應據實奏明請旨將本年乙卯科鄉試停止展至咸豐八年戊午科歸併舉行仍照兩科定額取中以廣皇仁而勵士氣一面飛咨貴州正副考官在前途暫駐恭候諭旨遵行再下游苗匪肆擾驛路間有阻滯臣已分飭地方官候雲南正副考官入境即繞道按站進行護送出境

苗匪犯清平官軍敗於冷風口

蔣爵遠奏順奏據貴東道承齡撫標中軍參將圖塔納稟稱六月二十一日千總王定臣勦捕望州苗匪外委劉映彪持矛深入賊隊生擒黑苗頭目一人不防夥匪暗施冷槍中脅殞命千總張仕松大呼殺入賊乃紛跑二十七日探得苗匪大股在清平東南香爐山一帶聖紮當派雲南守備高天澤貴陽千總黃掄元各帶兵勇往勦出城踰時突有苗匪千餘分股撲城知州徐河清出城衝殺槍斃執紅旗賊目一名張仕松亦將另股苗匪殺退高天澤等將下寨賊倉

焚燒賊見火起紛紛來救我兵槍斃齊施匪乃散竄二十八日辰刻有二千餘匪分三路而來徐河清高天澤督帶兵勇馳往堵住隘口練勇朱其沛首先衝出殺賊二名突被礮子打穿心胸登時殞命高天澤坐馬亦中炮倒斃徐河清麾練橫擊賊即潰散黃掄元與世職徐廷選等分隊環搜擊斃伏苗數十名七月初七日謀攻重安賊巢高天澤黃掄元督帶練勇進紮冷風口初八日黎明年屯蟻聚四面皆賊黃掄元腿中礮子裹創血戰外委王雲龍梁占鰲又殺賊數十同時陣亡高天澤自坡衝下腿已中矛正在力戰之時適城中援兵繼至賊各四竄初九初十一等日賊四面兜攻正危急間委員徐達邦生員黃槐邀集平越州屬雞場鄉團五六千人前來援救該道府等即開東門派兵勇衝出前後夾攻殺斃苗匪六七百人城圍已解該匪深恨雞場士民糾衆報復二十一日往攻雞場該處爲省城至下游咽喉要道徐河清高天澤委員陸啟秀統帶練勇飛馳往救比至楊老則雞場鄉團已將匪殺退二十二日卯刻追至四十里外之三幫六堡等寨殺百餘賊焚其巢分防各汛十有八處在在需防即在在需兵兵以分而見少賊則裹而愈多現今丹江都江三脚壘八寨諸苗

貴州通志

前事志二十三

五七

無不蠢然思動而其最兇惡苗多在清平台拱界中該道等兵力尙單不敷分布未能四出會剿已飛催滇兵星速來黔並移知古州鎮總兵桂林派兵分路前進

按紀畧冷風口之戰掄元占竈戰沒據蔣奏尙有王雲龍同時陣沒紀畧漏敘

二十六日教匪羅光明陷都江廳城署通判周汝椿副將佛恩遁外委羅廷貴戰沒四年思南囚賀大貴陽黃五陳七俱犯法置都江三查刀大塘謀亂又有點僧詭爲兵火劫數諸說決人休咎該往事頗驗人以爲神遠近流播徒黨日盛教匪羅光明唐燮理繼起浸不法五年四月光明等遂據大坪山其黨唐世寶揚言天降大劫須往大坪山避之復使其黨四出號召由上江之喬桑烏洛及古州之喬亥平永雙溪口都江廳書吏余正紀唐德芳劉連應等乘機誘聚大坪山者數百家古州鎮總兵桂林同知周湜遣役察返則詭詞以對士紳請兵當事者持重弗許六月中台拱苗匪九大漢脅衆數千人焚古州朗洞屬村寨逼黎平白蓮教匪千餘人據朗洞養汪者鄉二十七日羅光明破三脚屯攻都江

余正紀應之正紀夙為齋匪魁通判周汝椿授以兵使備賊正紀遂以軍械資賊七月陷廳城副將佛恩通判周汝椿懷印走佛恩遁古州總兵桂林以為旗人恥痛責之佛恩愧自戕賊招雷公山黨羽唐德芳劉連應等四出焚劫番亥清琳左衛各堡次第盡陷惟靖鎮堡總旗蔣貴矩聚散民拒賊與洛本堡七十二寨遙為聲援賊下竄

按平黔紀畧佛恩自都江遁古州桂林不納令同吳立剛復廳城遇賊八開受傷旋沒與黎平志異

二十六日羅光明陷都江廳城署通判周汝椿著上江協副將佛恩遁壩階外委羅廷貴戰沒旋陷打畧汎初光明潛結都江書吏余正紀圖廳城汝椿不知授正紀兵使守致陷正紀故吏因呼老科云署古州鎮桂林始遣守備吳立剛援不及

都江居都勻南羣苗屢變茲變則奸吏余老科為之魁非苗變也權通判周茂椿雲南人知余奸而不為備乙卯秋九月城破老科感茂椿相待之厚不之害遂奉母出城乞救於鄉團貢生王啓淙以鄉兵復城老科又破城盡殺啓淙家

貴州通志

前事志二十三

五八

茂椿尙未入城得免復至古州與周湜結為兄弟共守城古州破與湜同道去

野史

按都江陷為七月二十六日云九月誤周汝椿誤茂椿

羅光明等圍八寨廳城分掠麻哈獨山鹿丕宗遣候選知縣邱樹桐往擊道遇賊賊復攻圍八寨廳城分掠麻哈獨山鹿丕宗遣候選知縣邱樹桐往擊道遇賊生員張清淵武生陳秉忠等戰沒賊遂圍府城會畢亦營守備楊啓鵬大定營把總陳繼植等援至賊解去蔣蔚遠奏毓丕宗職仍留署

秋七月丕宗以廩生張清淵將兵擊水竹園賊懲花家地之敗人無門志賊悉銳遮擊之清淵力戰死翌朝賊資野狗七拉結山賊扶連芳與柳天成合不時喉陳大六沈大六桂騰輝等輪犯城丕宗守備嚴無隙可乘乃益利黨據要害徧燒各村寨郵路梗塞營兵魯連貴潛出請援中途被賊人心益懼廩生屠蛟萬邦和請行丕宗壯之資夜縋城出問道抵省門大府始知郡城圍久乃令畢赤大定營兵來援又以川兵五百人至

嚴禁販運黑鉛出境並飭將黔省應解黑鉛分批解部

諭黃宗漢奏請查禁販運黑鉛一摺四川雲南貴州各省多有產鉛之區所採鉛片向無例禁之文惟黑鉛有關軍火若任令市商販運流弊滋多必當嚴行禁止嗣後除白鉛一項仍聽商人行運外其黑鉛著四川雲南貴州各督撫分飭所屬地方各員一律嚴禁不准出境本月據工部奏黔省應解黑鉛久未批解請飭催陸續補解等語黔省應解黑鉛數年來未據按批解到見在庫存無多海防緊要深恐貽誤軍需著劉源灝將成豐二年下運起歷年應解黑鉛迅即分批解部

八月初三日署平遠知州沈世良提標左營外委張發科武舉陳九榮王大魁等擊仲夷安順老鴉石敗沒

五月調世良署平遠州而安順仲夷四出焚掠大吏檄予討之以世良與予善令佐予軍八月初一日出師紮營夏官屯予以兵初至地利不諳欲徐徐布置世良新履任意在速戰初三日黎明偕副將全興進兵攻里板賊巢予戒之日路遠且險相機進止第一須防伏賊仍命鍾洛帶練從之既抵賊巢外環攻賊匿不出而分股抄我軍後軍亂賊傾巢出世良急麾軍退至老鴉石遇伏戰

貴州通志

前事志二十三

五九

死鍾洛與其戚張玉章往救並殉焉

蔣蔚遠奏請開捐

蔣蔚遠奏竊查黔省上下游因苗匪不靖調兵勦辦需用浩繁司庫空虛以至本年夏季兵餉至今尙未支放種種支絀情形業經臣于遵查下游苗匪摺內縷晰陳明併乞天恩勅部另撥兼催山陝川滇各省將已撥未解之銀迅速解黔在案復思各省撥解尙需時日黔省軍餉兵精待用萬分緊急實無可籌畫夜焦思惟有設局勸辦捐輸或可稍為接濟暫緩目前惟是黔省瘠貧甲於天下所謂富戶不過畧有蓋藏之米谷而年來谷賤傷農倍形拮据又值迭次捐輸之後更難望其踴躍現在雖開大捐歷年報捐者甚屬寥寥若不變通辦理優加體卹何以廣招徠且軍營鹽菜口糧嗷嗷待哺與其全收銀兩不如兼收錢米與其以銀易錢米使市儉得以牟利不如畧減錢米之價以合銀使捐生有所感激當飭兩司悉心籌辦去後茲據詳稱本年五月接准戶部行知各省辦理捐輸章程互異上年十二月奏明嗣後辦理捐務除由軍門糧台報捐紳民不避艱險輸助軍需准其以制錢一千六百文作銀一兩以示體卹其各省

捐生以錢上兌者概以錢二千作銀一兩交銀者以實銀核計奉旨依議欽此
現在黔省軍興省城設有糧台總局上游安順下游台拱亦各設有糧台勾稽
用費並非各省無事時可比應請飭令紳民捐輸米谷者仍照部價核算捐輸
制錢以一千六百文作銀一兩俱自備運費就近糧台收納該糧台兌收後
即給收照仍令該捐生持赴總糧台換給司庫實收按照籌餉新例現行常例
以及戶部議准陝西撫臣王慶雲條奏推廣各例分別減成應將官職不論收
數多寡按月詳請奏咨給發部照一俟軍務完竣即行奏請停止等因前來臣
覆查該司所議似無窒礙捐銀捐米者既悉照部價核收其以錢上兌者應照
糧台報捐之例准以一千六百文作銀一兩每屆月底不論收數多寡按月奏
請獎勵仰冀恩施早沛庶可源源而來臣熟查情形實有迫不及待之勢未便
拘泥轉致貽誤飭司即日行知各糧台設局辦理
蔣爵遠覆奏下游苗匪起畔根由并請添調滇兵助剿
蔣爵遠奏竊查楊逆係桐梓縣差役地接四川與上下游相距遠且夷漢語
言不通已有不相及之勢况楊逆倡亂在上年八月其時官兵悉往遵義而夷

貴州通志

前事志二十三

六〇

苗晏然不動本年二月十四日楊逆在上游貞豐州屬之打架坪地方被官兵
擊敗逃竄於二十日始至定番州之大塘距黃平舊州四五百里而舊州老里
壩搶案係十六日夜間之事尚在該逆未至大塘以前其為另股匪徒已可概
見楊逆竄經大塘至獨山麻哈平越總安諸州縣境窮蹙萬分果與苗匪勾結
則自麻哈東竄台清至為近便何以反由他路竄逃再查楊逆伏誅在三月
七日其黨舒裁縫等被擒在四月十八日其時台拱苗寨已畧就撫定清平之
凱榮凱少黃平之革夷等處至五月方始大起其非以楊逆勾結始滋事端殆
無疑意與義涂令恒倡亂大定楊隆喜竄擾甫靖之後土匪在所不免經地方
官隨時拏辦現已一律肅清三月間黃平州城各鄉曾有苗匪滋擾窺伺雖經
地方文武擊散伏莽尤多未能淨絕根株臣溯查台拱黃平地方及清平邊境
在前明及國初為九股生苗盤踞雍正乾隆間疊次用兵方始開闢百餘年來
種類繁衍山土所墾不足以供衣食於是良者傭工覓食或駕船營生莠者時
出為盜道光三十九年以後節經前撫臣及臣派員查辦著名之匪漸次殲擒
餘或逃逸適會粵西軍興前往充練近陸續散歸既無生計又見官兵因楊逆

之亂疲敝空虛潛相構煽遂至蔓延此下游苗匪起畔之實在根由也至上游
夷漢相仇已非一日今屯聚蠻蜂養馬二重及落別地方負隅相抗未能得手
下游則千百成羣時出搶掠台拱清平黃平施秉鎮遠丹江都勻八寨古州獨
山各處無不紛紛告警計現調之兵除各處防守城池外為數無多未足以資
攻剿合行遵旨飛咨貴總督臣恒春添調勁兵二千名揀派得力將弁多帶
火器速赴下游責成貴東道承齡相機勦辦仍設法開導解散脅良苗以孤
其勢一面聯絡團衆併小為大齊心守禦并嚴飭該道王成瑞福連承齡迅速
籌辦

提督孝順進剿安莊夷匪破蠻蜂巢賊并遣撥歸化

蔣爵遠奏竊查鎮甯州屬之安莊坡係通滇大路側近賊巢而蠻蜂養馬
二重山頭徒峻旁有扁擔山猛統賊寨阻遏官兵入落別之路臣蔣爵遠當飭
王成瑞福連設法進剿去後茲據該道稟稱自六月初三日以後連日大雨十
八日晴霽正擬進兵接到都司劉攀桂稟報探得該匪吹角聚眾恐來撲營十
九日副將白人鵬特克慎各帶兵勇往援未至安莊望見該匪漫山越嶺而來

貴州通志

前事志二十三

六一

因即分兵各跨山梁從高壓下劉攀桂望見大營旂幟奮勇殺出兩路夾擊賊
即潰竄二十一日進攻蠻蜂大寨先選兵練百名山僻徑孫升對照山嶺砍斃
看守哨棚賊即時放炮打入賊寨臣老順親督將弁直抵里脚我兵奮勇拾入
頭道石牆隨即折毀進及二層而養馬猛統之賊突來抄我後尾兼分股匪將
對照山圍住我兵分頭迎敵各傷斃數十賊賊方退去對照山兵練亦即衝殺
出圍二十六日再攻蠻蜂賊伏而不出七月初四日剿上下森林甲寨乘風縱
火賊皆狂奔逃命初九十一十五等日連次出隊將養馬蠻蜂旁近賊寨燒燬
復查側近蠻蜂之對照山與賊壘對峙臣老順當派南勇提勇紮營對照山嶺
陽示賊以久駐之計二十八日戌刻密令南勇提勇乘夜下山扒至蠻蜂二
道牆子火箭火彈齊放賊惶急無措男婦悲號當將牆子掀倒進及第三道牆
賊拚死拒守其前水道已為我兵截斷而後懸絕之處該匪繼岩以竹筒
汲水而上養馬猛統扁擔山諸匪每日自巳至酉時來救援臣老順及特克慎
白人鵬申有謀等督率演黔備弁奮勇力敵自二十九日至八月初五日統計
轟殺賊四百名臣等查蠻蜂係屬天險屢次進攻未能得手現在迭獲勝仗

賊勢雖蹙而詭要斷援兵力尙薄未能迅破賊軍專俟漢兵到來前後夾攻以期迅掃夷氛

仲夷逼歸化廳城武舉羅德光禦擊失利署通判曹琅遊擊趙起祥等固守孝順自蜜蜂寨遣援連日仍督兵攻寨不利平遠協把總甘起忠陣沒二十日守備何有保先登中石墮五齒再進創股力戰諸軍繼進克之

九月苗匪陷丹江廳城署通判嚴錫珍署參將烏爾滾珠等死之匪圍新城汎急署把總李瀛力戰死城隨陷

恒春奏據貴東道承齡稟稱九月十四日賊匪圍攻丹江廳城該文武分頭堵禦持至午刻賊分八路爬城立時攻陷各官不知下落等情查前據丹江廳通判嚴錫珍等馳稟逆苗攻城臣蔣爵遠撥兵應援並飭貴東道承齡調兵往救旋據稟稱先後派撥王定臣黃鳳管帶兵練一千三百名馳往援勦臣復聞撥兵行至距丹江六十里之凱里地方停留不進隨又嚴札飛催並飭該道查明尙未據覆而丹江業已失守查丹江既失逆焰益熾亟應添兵克復但滇省地方多有不靖黔省下游逆匪嗚張又不能不撥兵協勦臣就近在開化等鎮協

貴州通志

前事志二十三

六二

抽撥弁兵一千名飭令星速馳往黔省應候調遣惟兵力尙單仰求皇上迅飭前請川兵飛速赴黔會勦以期早靖邊圉而安黎庶

初苗匪圍丹江急外委傅燦運敗沒昂德寨承齡遣經歷黃鳳署鎮遠都司王定臣自清平往援曠兵凱里致丹江久困嚴錫珍烏爾滾珠乞援畧曰自台拱苗賊圍城時丹屬被脅良苗屢具稟擲入請催援兵速至即反戈攻城乃催稟百上一卒無援良苗失望遣卒從賊賊知城中糧絕藥鉛都盡愈攻不息兩月來陣亡官兵百餘餓死男婦數百草根樹皮剝食殆盡子遺之衆骨立菜色守既無力逃亦無路十三日苗賊陷丹江廳城署通判嚴錫珍署參將烏爾滾珠守備計維宮衛千總周開廣等皆死之民死數千得脫走凱里者僅十餘人苗賊時圍新城汎急署把總李瀛屢戰被創賊掠婦女城下辱之瀛憤極嘔血裹創出戰兵練從之殺賊百餘力竭沒於陣新城兵民饑疲所恃者瀛瀛沒四日至十五日而城陷松桃協守備馬連科署千總涂文學把總蔣國興廖友榮天柱把總吳大成彭緯璋外委郭亮疇楊士祥鄧昌才蕭世珍及汎兵三百五十人皆沒城民數千死畧盡丹江新城既先後陷苗賊愈張連日敗代理清江通

判余宗梓於烏包塘敗著柳壽縣丞沈世漢於柳寨塘廩生羅漢等百餘人皆沒

丹江爲九股苗兜悍勝于他苗悉衆撲城城小而孤乙卯十月城陷權通判事嚴錫珍死之錫珍四川舉人樸訥無幹濟才平時多議之者然以丹江蕞爾城居萬山之中困守年餘糧盡力竭城亡與亡可謂難矣

署台拱同知邵鴻儒陳勦賊情形蔣爵遠不省
鴻儒陳畧曰議者欲先清驛路然賊巢在兩凱革夷山丙大小江驛路特餘黨耳兵至則散兵過仍聚不若台城近九股黑苗窟穴地險爲賊所必爭台拱失則五廳撼即克復亦難爲全局計進勦必自台始五月以來大小十數戰餉匱兵譁不得已分練領餉鎮遠不得轉又赴省迄今四十餘日練亦無耗及至練回得餉無幾前支後空又將復請僕僕道路安能勦賊請速調兵二千撥餉二萬責成韓超統帶進勦并飭鎮施一律兜勦以分賊勢蔣爵遠以固省垣通驛路爲重斥不許十八日賊據平越雞場驛道絕
正安葵川教匪劉起得等謀亂官軍旋平之

貴州通志

前事志二十三

六三

蔣爵遠奏訪聞思南遵義二府屬有青蓮教首劉起得即劉四先生自湖北竄回糾夥傳教當通飭府屬州縣嚴密查拏去後九月二十日遵義府正安州知州朱百谷捕獲楊瀆五一犯訊係劉起得之徒弟聽從糾約起事二十三日探有男婦多人攜帶鎗炮多件訊係聽從劉起得等謀逆並供出劉起得定於二十四日糾同吳大刀焦應華等在綏陽縣屬丁木坳地方搶場起事當將該犯正法梟示飛詣丁木坳查拏二十八日督衆直進該匪數百人公然出敵練團開炮生擒逆首焦太華餘匪潰散跟踪分緝復獲逆首周起得母應懷周大辯子何由枋鄒正奎五犯葵川縣兵役亦殺賊七人二十九日朱百谷會同營弁復帶練團追至關渡水有偽大元帥吳大刀帶領數十人前來該匪慣用大刀出入如飛經正安州各團衆用槍礮逼退至九嶺崗將賊窩燒燬時值署葵川縣知縣阮文藻先派兵練在彼堵截遂會同正安州鄉團將吳大刀圍住三十日黎明時該匪等十餘人突由深箐內奪圍而出兵練追至岑溪僻路吳大刀誤陷泥淖仍自拔刀砍人團勇張席珍格開其刀砍傷其右臂兵役等各用鏢刀攢戮割取首級嗣葵川正安陸續拏獲焦應華焦華四吳黏花石等十八

人稟報當飭署遵義府楊書魁馳往正安一併訊取確供就地正法並示諭人教而未嘗從逆者准其改悔取具保長甘結以安反側

丙子諭內閣蔣爵遠奏貴州正安州等處有青蓮教首劉起得等糾眾滋事抗官拒捕經地方官督帶兵練於綏陽縣屬之丁木坳等處接仗獲勝殘斃匪多名並將謀逆首從各犯陸續擊獲就地正法該匪等甫經傳教即被該地方官次第擊獲所有應得失察處分着加恩寬免出力團首兵勇准其擇尤保奏

孝順蔣爵遠奏調四川兵援貴州

諭四川峨邊營參將蔣玉龍曾經帶兵赴黔剿匪據該撫奏稱該員謀畧兼優於黔省情形極為留心若令帶兵至黔剿辦苗匪可期得力著黃宗漢飭令蔣玉龍即日前往貴州交蔣爵遠差遣至該撫奏下游苗匪蔓延請速調川南川東勁兵四千名一由思南前赴鎮遠一由遵義平越前赴都勻籍資會剿自因貴州兵單之故惟前經降旨令黃宗漢酌撥兵勇赴湖北助剿尙未據該督覆奏此時兵力是否足敷請遺著黃宗漢酌量抽撥即交蔣玉龍統帶前往至四

貴州通志

前事志二十二

六四

川省已撥未解餉前經降旨飭催見據蔣爵遠奏待餉情形急迫川省距黔較近能否撥餉數萬兩俾資接濟並著黃宗漢籌畫辦理

諭軍機大臣等孝順蔣爵遠奏黔省軍務緊急請續調川兵以資剿辦黔省剿辦下游苗教各匪此擊彼竄兵力實形單薄前經樂斌派鍾琦帶兵一千名協剿已改撥雲南蔣玉龍等所帶之兵到黔後多因瘴疫患病又黔省軍情緊急著樂斌挑選精兵一千三四百名揀派得力大員管帶由瀘州一路馳赴黔省聽候調遣其川營實在患病各兵即著撤回歸伍

冬十月銅仁徐廷杰梅繼鼎等納糧滋事猝變銅仁陷之知府葛景萊自經死游擊達沖阿著知縣劉兆埏遁

十一月諭蔣爵遠等貴州銅仁府屬舉人徐廷杰等糾集外來教匪假稱上糧戕官踞城實屬目無法紀該撫見已派員帶勇馳往該處查辦務即速飭擊獲匪犯從嚴懲辦該匪等是否傳習邪教有無勾結粵匪在內如因開糧滋事該府葛景萊平日辦理錢漕有無不善之處著蔣爵遠等將此事詳報由確切查明據實具奏其文武各官下落并著迅即查明至界連銅仁各處務宜一體

嚴防斷不可令該匪等遠颺勾結再滋事端

諭貴州逆匪趙子濬聚眾煽亂脅令五洞十二鄉居民助給錢米已據恒春奏報咨調鎮守鎮精兵一千名前往銅仁援剿諒駱秉章業已照咨辦理茲官文奏據辰永沅靖道翟誦稟稱探知五洞地方均係從賊并無受撫之心見在三角莊堅立木城趕造火器欲於秋後入楚聞黔省地方官專意主撫勢必滋蔓難圖等語蔣爵遠不能綏靖疆圉獲咎已重若一味姑容令其竄入鄰封則貽誤之罪豈能再從寬宥著即飭令蔣玉龍韓超等痛加殲洗不得專主招撫致該匪益滋猖獗并著駱秉章即飭所調援兵二千名星速赴黔相機剿辦并於辰州常德一帶地方嚴密防範毋稍疏虞

乙卯陷城紀畧銅仁居萬山中風俗樸厚民皆畏法向稱易治自乾隆苗變及剿平小竹山教匪至是六十餘年地方無事煦嫗生息漸增富庶惟征糧一節舊皆赴倉納谷積久遂開折價之例初年糧折價四五文繼增至千緡有奇甚有逾二千緡者民頗苦之道光末糧房周庠小有才為歷任官倚重以此致富官有緩急惟庠是資糧之納谷折價庠亦隱操其柄民切齒焉咸豐四年郡

貴州通志

前事志二十二

六五

所屬上五洞地方羣議照舊納谷毋許一戶折糧倡之者為舉人徐廷杰梅繼鼎夏昶及期民皆擔挑背負絡繹赴倉納谷時知府葛景萊以詞林外擢銅仁郡守性仁厚恂恂書生本色課士論文而外不甚措意庠因乘間請堅持折價之例無為搖奪景萊惑其言不知民議甚嚴有折價者罰不宥至是弗獲納谷悉委棄於郡署左右廡而去五年民議如前內有富民吳勞苟陳福林徐興素崇邪教請亂降鸞繼繼悉聽命於神是習傳自川省其風甚熾適有流寓蔣姓者相識字得有秘術能以符咒水令人飲之若狂演習拳勇技擊不煩師授數日即精舉百觔重器無難見勞苟等奉其言亦精此業實則以秘術濟之惑者尤衆由是假亂妄言謂勞苟等悉前代名將相託生可為佐命日益猖獗遂私鑄軍器並置旂幟號衣外借納糧名目徧處糾合各率所畜死士數十以號令之有梗令者輒毀其屋家資給衆勢甚張非徐廷杰等所能控制夏昶懼禍及驚悸而卒繼鼎倉皇走避山中諸人挺刃脅之繼鼎泣告曰家有老母當容一訣衆許之母子相持大恟衆挾之行廷杰尤怯懦聽衆所為而已九月二十八日集數千衆陽稱納糧擔谷詣郡而陰備軍械隨之景萊初聞甚駭庠為

解說竟不疑迫事急召庠早已挈家扁舟入楚矣城守一無所備十月初一日勞苟等抵較場止於飛山廟閉城拒之初二日銅仁縣劉兆堦銅仁協達冲阿往說許糧谷全納無妄動衆允之議甫定登陴營兵見衆繞城環視以言詆之衆遂譁至瓦窰河挾大木擁至城下衝陷北門勞苟福林各率其屬盛陳刀矛旂幟蜂擁入城至庠家盡室已行憤無所洩隨趨府署景萊避入民宅是夜書城存與存城亡與亡兩語於案遂自盡至是勞苟等釋監禁囚犯發庫藏軍火散給賊衆在城官守及商賈見事體瓦解解率避去勞苟據府署稱元帥經歷署福林據之稱副軍師縣署徐興據之稱將軍廷杰繼鼎居考院繼鼎思自拔無由有以軍事諮者詭詞謝之廷杰以與係從父吳陳又與同黨不免依違其間城陷後遠近震驚不軌之徒乘茲煽聚一時若思州青谿玉屏石阡松桃與湖南之麻陽晃州等處先後告陷前事志二十一

貴州通志

前事志二十一

六六

傷沒謬副將松桃右營游擊達冲阿署知縣劉兆堦典史彭希齡等通時賊首劉世美起江口田宗達吳燦奎等起印江縣遙相應宗達子瑞龍隨廷杰入銅仁廷杰謂瑞龍前爲蜀漢趙子龍以愚衆謂大仙子位元爲釋迦佛大仙弟世福爲白鶴仙以紅巾蒙首名紅號前事志二十一

石阡有毛大仙者山居學道講吐納之術舉人梅濟鼎徐廷杰貢生夏昶等師事之扶乩惑衆云大劫將至持齋醮經始得免以篋爲事門徒日益衆銅仁知府葛景萊延舉人戴世翰入幕亦毛黨也景萊浙江翰林經世翰數狎侮之世翰挾怨以收糧章程輕重不一揭其弊于外廷杰等聞之率花戶數千人肩米強納景萊坐廳事彈壓人情洶洶倉卒中傷死大衆悉變徐梅悉糾其黨趙子龍等奉稚子肥宅爲主連陷銅仁石阡思南思州玉屏印江各縣時乙卯冬月也旋請楚兵勦平之徐梅走死毛大仙趙子龍肥宅悉生禽解省伏法前事志二十一

按葛景萊自經死事詳陷城紀畧黎平志引湘軍志作殺印江訪冊書逃黔亂紀實不黔紀畧云受傷沒大都傳聞失辭至廷杰等失在爲教匪愚弄實

則抗糧一案固全省公憤也

貴定賊結都勻齋匪西襲陷大塘城署州判王問政守備李應發遁

初七日貴定賊結都勻齋匪西襲陷大塘城署州判王問政守備李應發遁修攀梅等擊賊樂雍亦大敗署安義鎮守備張席珍等及兵丁九十餘人皆沒前事志二十一

賊陷羅斛城州判吳瑞生被害賊遂犯定番知州蕭澤洋等拒却之

十三日賊由大塘犯羅斛州判吳瑞生千總王廷標拒之板庚瑞生敗沒廷標走賊遂入羅斛城分黨北犯定番州城署知州蕭澤洋等拒之齋遠奏請仍飭

四川參將蔣玉龍率川兵來黔會剿前事志二十一

羅解奸胥羅亮欲爲亂州判吳瑞生不知也亮誘賊至復誘官出城繫賊瑞生被害亮遂據城叛與仁懷容保泰事同瑞生江蘇人前事志二十一

荔波水賊糾上江賊薄縣城代理知縣蔣嘉毅拒戰敗之追賊至水錯塘敗沒外委吳邦瑞從九劉芝山等死之

荔波縣屬凡十六里惟猛獠有漢民三百戶餘多水仲苗猶水家尤強悍九千三洞地較險自羅天明等入三洞相扇九千水人遂起應屢薄縣城代理知縣

候補府經歷蔣嘉毅募廣西練禦之頗有斬獲水賊覃朝綱等乞降已復叛糾

上江賊徐多福等攻水堡復薄城嘉毅率候補從九劉芝山大敗之十七日乘

勝由水堡追至水錯塘苗水各賊從中起斷嘉毅歸路圍之數匪嘉毅力擊殺

賊陣沒外委吳邦瑞等數十人俱死芝山在後脫入城二十日賊進攻縣城芝

山中礮沒城圍三日板橋圍援至圍始解嘉毅蒞任不久內輯衆心外禦寇賊

爲民倚重芝山能舉六十斤礮躡發斃賊既先後死練無主且乏食多潰回廣

西民多隨西去蒙石時來各圍集衆守前事志二十一

苗賊陷下江廳城署通判張淑度游擊陳源通

蔣壽遠孝順奏准古州鎮總兵桂林杏開前據黎平府屬下江廳文武會稟告

急當派兵練救援去後十一月初一至初四日賊攻撲古州正在堵禦勦辦間

據下江營守備陳天奎稟稱十月二十六日午刻探知賊自孛溫窺伺下江游

擊陳源署通判張淑度當即帶兵練前往迎敵詎成刻分三股一由宰告坡來

攻北門一由滾唐坡來攻南門一存孛溫與官兵籌敵二十七日互刻陳天奎

赴北門開炮轟擊忽被匪槍傷左膀力不能支且係土城原不堅固卯刻賊自

貴州通志

前事志二十一

六七

北門湧入城池失守升溫兵練信潰散陳源張淑度不知下落古州之賊經桂林與署黎平府知府多文內外夾擊賊已竄散解圍臣查下江古州連界粵西上江八寨淪陷以來道途梗塞而近省匪徒尙須勦辦都勻以下鞭長莫及惟有諄催各道鎮將迅將定番貴定州縣界內教土各匪勦撫兼施以冀早就肅清方能移兵東下克復城池除飛飭遵辦並確查下江廳營文武各員實在下落分別核辦外謹附片具奏

八月十五日賊陷定且營游擊興瑞外委田應龍力戰死賊直犯古州燬河街民房左右兩衛無完地多文扎訓導周登灼郡紳張熙齡等往各路設防以城守局紳唐宏憲張大醇等守具檄王世章朱占元出西路禦之時下江廳張淑度亦藉防堵名簽書差赴四鄉勒捐沿河一帶生苗激動八洞九洞內妹永從等處遂皆騷然不靖九月初九日賊由都江榕江下薄古州桂林馳書府城告急同時王寨等處亦乞援慶瑞督兵駐防多文檄靠頭防勇仍以王世章朱占元趙國森分領親率按古州軍車寨聲勢各振二十二日逆首故虐故凶等陷丙妹署千總董定國戰死十月十三日逆首馬登科唐偽王余正紀攻下

貴州通志

前事志二十三

六八

江把總趙敦德戰死二十日九大漢之子九包陷朗洞參將清廉全家殉二十七日賊復攻下江城燒城南民房以亂衆由便道踰垣入城陷通判張淑度跟踰走黎平古州水陸三路俱梗黎平志

按蔣奏下江失陷係十月二十七日志在九月誤
桐梓賊鄒保復起攻縣城知縣劉毅等拒卻之

神保營從楊鳳受上將軍偽職鳳誅從舒犬犬就擒神保窮蹙降楊書魁給頂戴歸蘆溪里仍假團練名聚衆思逞署桐梓知縣劉毅請捕之書魁不聽至是神保率穆二童徐子容何元驥張開梓等二十三日攻縣城殺及把總王明德生員趙旭等力拒凡七日書魁同副將祥福等援至賊始退二童穆法賢猶子也志

遵義大有年

斗米百錢志

十一月羅光明陷八寨廳城署同知馬世璜署游擊楊廷柱等死之初二日羅光明等陷八寨廳城署同知馬世璜署游擊楊廷柱衛千總明焜古

州千總顧學禮廳學訓導劉煥死之舉人楊超儒幕友胡有焜廷柱二子明焜全家超儒三子俱死廷柱果敢有勇畧楊元保初亂先赴獨山籌守具州城克全洎守八寨亦屢卻賊云志

八寨居都江上游都江失八寨危矣破八寨者爲廳貢生羅天明家本素封道光末年爲苗匪所掠其時女歸寧姻婭雲集苗悉擄而淫焉家因以落至是爲亂權同知馬世璜江西進士青年初任猶是書生舉措營員皆侮之死守經年乙卯冬城破遇害志

成豐五年冬十月丁巳城陷游擊楊廷柱戰沒同知馬世璜被害訓導劉琅舉人楊超儒均自縊於大成殿旁於是羅天明據硃砂廠僭稱天明王賀昌明據大朗稱王馬據邑城稱大元帥相爲特角皆柳天成所授僞職也苗首互爭雄長相仇殺馬 恕集黨攻光明敗之走爲家坪於是馬 獨據八寨僭稱王十餘年志

按紀畧城陷爲十一月初二日志恐誤

銅仁賊初二日陷松桃廳城署經歷陳鏞死之署同知恩彬署副將鄂清遁四日陷

貴州通志

前事志二十三

六九

正大營十三日陷思南府署知府福奎署游擊富珠隆阿署安化知縣吳雲煦通教授張鴻奎死之十五日陷印江縣城代理知縣何維新遁十六日陷石阡府城署知府黃培杰署都司陳定元遁各城旋復惟石阡爲賊據二十七日陷玉屏縣城署知縣吳曾保等遁

蔣爵遠孝順奏竊銅仁教匪徐廷杰等於十一月初四日竄撲銅仁府屬之正大營署分防縣丞趙世欽署守備宋興邦等管帶兵練出城抵禦衆寡不敵賊衝散一擁入城將文武衙門打毀宋興邦及署千總田天錫署把總封國興密約城內百姓兵丁于是夜四更時分放火開城宋興邦等自外殺入斃賊多名匪即奔逃田天錫封國興亦各受傷十三日該匪駕船由邵家橋進撲思南府署知府福奎督率練勇開放大炮打翻賊船一隻賊即退去詎另有兩股賊匪由僻路攻撲大小巖關福奎聞信回救比至關已攻破時署思南營游擊富珠隆阿在芭蕉關防堵署安化縣知縣吳雲煦在上渡防堵聞信馳回俱已無及十五日賊復自思南分股進撲印江石阡署印江縣知縣何維新率勇迎敵正在相持忽有股匪由峨嶺山撲來抵敵不住退保大勝城賊即入城十八日

此為試讀，需要完整PDF請訪問：www.ertongbook.com

晚何維新會齊鄉團直抵城下十九日賊出城拒敵練勇殺死偽將軍一人賊敗入城經該縣預派團民改裝混入二十日何維新督率團練四面圍攻團民從內殺出砍開南門隨將印江縣城收復其分撲石阡之匪于十六日晨乘大霧攻撲聚屯西門暗由南門攻入百姓倉忙將官擁護由北門出旋接探報黃培杰已調鄉團協同營員率領兵練于二十三日將石阡府城收復福奎與吳雲煦于二十四日亦將思南府城收復第尚未據該府等稟報伏查思南石阡二府距省俱在十站以外賊又有竄走思州之信現派銅仁府候補同知王敬烈會同石阡鎮遠二府設法剿辦

初二日銅仁賊陷松桃廳城署經歷陳鏞死之署同知恩彬署副將鄂清遁初四日陷正大營署縣丞趙世欽署守備宋興邦等走賊旋退十三日陷思南府城署知府福奎署游擊富珠隆阿署安化知縣吳雲煦等遁府學教授張鴻奎一作死之外委姜仲元戰沒十五日陷印江縣城代理知縣何維新遁十六日陷石阡府城署知府黃培杰署都司陳定元等遁培杰妻曹遇賊死之賊凡入城鈔掠旋去之各城亦旋復惟石阡猶為賊據二十七日陷玉屏縣城署知縣

貴州通志

前事志二十三

七〇

吳會保等遁賊分黨屢犯湖南鳳凰廳及四川秀山縣境

冬十一月銅仁舉人梅繼鼎與田趙子龍陷思南府城教授張鴻遠資死之知府福奎以下走沿河司生員李春華營弁安定邦率壯士六人夜半至大巖關呼曰大兵至矣賊驚擾棄城出走翌日回犯大巖關官兵擊之梅中斃死子龍奉肥宅突據梵淨山奎與湖南兵攻破之獲子龍解省雲川

復有偽將趙子龍者尤矯健為勞苟所畏繼鼎伴與之親欲說其就撫時子龍分攻思南挾繼鼎俱往詎說未行而城為官兵圍練所復繼鼎死亂軍中繼鼎印江在府東南四十里地窪下城又庫陋四面皆崇山峻嶺可以俯瞰城中故難守十一月銅仁賊竄至署知縣何維新逸去賊退以復城聞紀實

十一月教匪毛大仙率黨陷石阡城按貢生夏純彥實錄印江屬江源溝李春林偽稱李太子習邪術裹紅巾糾眾為亂而距石阡城三十里之思南屬毛家寨有毛瓜瓜筒者偽號毛大仙假託降神形象說福禍以惑眾亦著紅巾勾引李賊於十一月十六日陷石阡城文武官出走訪

五年十月下旬徐梅二匪係銅仁縣草裏蛇人因狼警亂以白布裹首名曰白

號由銅竄入縣治匪黨千餘人有偽稱趙子龍曹操等名目攻入縣城吳知縣畏避逃匿白號盤踞六日擄掠一空後邑人鄭誠聯絡四鄉民團奮勇退賊城始復訪

副將全興在籍紳士丁寶楨剿平安順屬雙堡仲匪

蔣爵遠孝順奏竊臣等前因安順府屬雙堡地方仲夷滋擾經委辦軍務貴西道福連副將特克慎在籍翰林院庶吉士丁寶楨等督帶兵練剿辦於夏官堊劉官堊鵠籠等處地方迭獲勝仗賊匪遁歸杉木密賊巢業經奏報在案嗣因特克慎所帶之銅松定廣兵各因本地有事撤回防堵復派副將全興自夏官堊移兵會剿十一月初四日庶吉士丁寶楨湖南委員縣丞毛鵬翎帶練由梅旂堡進屯羊武行至歇氣關斃賊數十名當即搶奪關隘將水塘沙鍋羊武大寨各賊巢焚燬初五日賊來撲營我兵練施放鎗礮火箭斃賊二百餘名餘俱奔潰初七日黎明兵練分路進剿特克慎全興委員袁濟田由冲直上丁寶楨由新密關進毛鵬翎由挖煤關進行至毛栗坡遇賊千餘分股拒敵兵練施放鎗礮賊即退走各路兵練一齊追殺直抵杉木密賊巢王成密料賊被官兵

貴州通志

前事志二十三

七一

打敗必竄奔落別派都司施嘉賓率兵迎截初九日果見有匪百餘倉皇逃竄施嘉賓揮令兵團奮勇直前斃數十人生擒六名內有首逆羅國玉及坐地千歲楊秀春千歲吳送林等三名均經劉書年訊取確供斬決梟示並飭各地方官將竄逃餘匪設法招撫妥為安插現在雙堡一帶全數肅清

提督孝順破平歸化仲匪誘斬首馬文高

蔣爵遠孝順奏竊安順府屬歸化廳地方毗連普安鎮甯該處仲匪聽信總頭目馬文高主使屢次糾夥劫掠歸化廳城臣等自羅明移營詢知廳屬火紅地方兩山壁立仄徑紛歧名為山槽仲匪紅苗盤踞其中十月二十九日丑刻分三路出隊翻過大坡天甫黎明俯視槽下眾寨屋羅各搭棚守隘忽見我兵旂幟吹角出巢將至坡脚我兵壓下斃賊四百餘人參將申有謀守備馮世興又分兩翼抄襲賊遂潰奔回寨兵練將火彈火箭擲入風猛火烈統計燒毀賊巢三十六寨其上下火紅各寨畏威投誠俱勒限緝獻各寨巨惡數十名陸續訊明伏誅十一月初十日移營關寨甫經築牆賊即來撲兵練槍礮齊施斃賊三四十名兵丁楊福順矛斃紅袍賊首眾賊見首逆就戮逃歸磨向山我

兵追入將酒康大小四寨焚毀賊奔高峯十二日復自磨向深入進剿邑沙翻過峻嶺遙見山巔賊營三座壘石爲牆內蓋草棚約賊二千餘分踞其上申有謀僱令備弁兵練鼓勇而上兩翼分抄火彈烈焰冲天哨棚二十餘座大小村寨十二處悉爲灰燼該處距馬文高賊巢十餘里道路崎嶇難以力取且恐該逆潛逃轉稽時日臣等順當與王成璋商酌密派申有謀燕升雲帶領十餘銳丁以晒地爲名直入賊寨聲言招撫有三四老人出見信以爲真遂引馬文高叩見申有謀令其備馬同行謁臣等順夥賊數十人遠隨隨行逾十里先經密派之守備袁德華馮世興兩路伏兵齊起將馬文高擒獲當飭文員訊取確供正法梟示十七日申有謀等督隊進剿九嶺焚毀賊寨四處生擒四十餘名內有戴藍頂穿黃馬褂賊首事阿捧訊明分別斬梟

十二月銅仁賊連陷思州青谿復陷玉屏思州知府張瀚中署玉屏縣兼管青谿縣事吳曾保均遁賊旋去之

蔣爵遠孝順奏據貴陽府知府何冠英稟稱轉據思州府知府張瀚中於十二月初六日函開銅匪竄入思州攻撲府城接仗獲勝該匪竄撲青谿不幸失守

貴州通志

前事志二十三

七二

該府跟踪追剿克復青谿該匪復由八弓窺回竟陷思州該府時在洋坪隨即督團回剿即日克復思城因幕中無人不及具稟該匪另遣餘黨竄玉屏竟又失守隨派文武紳耆激勵團練馳往剿辦連日攻擊該匪潛於初八日夜潰圍而出現在思州青谿玉屏三處安靜如恆等語伏查銅匪竄入思州如果該府預有防備何致數日之間連陷一府兩縣其旋失旋復各日期是否實在情形及文武員弁有無逃避倉庫監獄衙署文卷有無損失均未縷晰聲敘除飭藩臬兩司確查詳覆外相應請旨將思州府知府張瀚中署玉屏縣兼管青谿縣事吳曾保暫行革職留任又石阡府失守已將兩月未能克復署石阡府黃培杰署石阡營都司陳定元均請先行革職暫留署任責令戴罪自贖諭蔣爵遠孝順張瀚中吳曾保均著暫行革職留任仍著該撫將收復日期及該員弁有無逃避倉庫監獄有無損失各情迅速查明辦理知府黃培杰都司陳定元均著先行革職暫留署任責令戴罪自贖

十二月朔一日銅仁賊連陷思州府及青谿縣城知府張瀚中署玉屏知縣兼署青谿知縣吳曾保等皆遁賊旋退

思州知府張瀚中陝西拔貢復城後與史某持其短長忿恚自戕死玉屏彈丸邑吳曾保以佐雜微員權縣事思州失後力不能支曾保有父官蜀因去之父任與周浞赴蜀就養子舍事同黃培杰浙江舉人年七十餘今猶在任紀實五年白號陷銅仁縣屬都素司下保之秀民揭竿響應稱紅號渠魁爲任文燦縣屬鐮刀灣人妄稱有邪術能掩槍炮退避震怖知府張瀚中庸懦反委李本霖至羅家山一帶迎接冀免殺戮生靈而紅白兩號匪黨均烏合之衆毫無紀律入城焚燬糧倉社倉顆粒無存城中富戶搶掠殆盡盤踞數日復竄印水爲團兵擊潰張瀚中因迎賊入城民遭損失被嚴飭率團練出剿餘黨被圍於馬鞍山自刎萬壽宮臨死書死不從賊四字於牆壁上思州訪冊按思縣訪冊瀚中迎賊入城并記瀚中自刎事紀畧不詳又據奏報玉屏同時失守紀畧亦漏敘

苗匪柳天成土匪陳大六圍都勻

賊諭援軍單圍益急議者謂賊屢得志不復防我急攻之無不克者十一月不宗出兵擊印水賊不意賊伏蟒山凹處俟我軍過半構擊之死兵勇數百人遂

貴州通志

前事志二十三

七三

北至城下十二月晦黃野狗七扶連芳柳天成陳大六等乘除夕無備悉銳環攻府城丕宗竭力捍禦賊始退然自是攻擾無虛日矣都勻訪冊總督恆春率滇兵東下討賊并奉飭密查蔣爵遠是否勝任

諭恆春貴州上下游苗匪滋事疊陷廳汛銅仁府教匪徐廷杰等復戕官踞城分竄松桃等處匪勢鴟張全省震動疊據蔣爵遠奏報剿辦情形實屬未能得手既據恆春奏滇省回匪漸已解散地方均尚安靜即著將所調滇兵一千名并所募勁練剋日調齊親自統帶起程前赴貴州督飭各路官兵分頭剿辦東華錄諭恆春蔣爵遠在黔數年於地方事務尙未見其竭蹶自桐梓等處匪徒滋事蔓延各屬未能速蕪事年前剿辦楊鳳一案全係川滇官兵之力前剿辦徐廷杰一股又係湖南援兵出境始就殲除而該撫保舉出力人員已至十數次之多前因其所保過濫曾於批摺內嚴切指示特念該省兵單餉絀不得不勉從所請以勵軍心本日奏報羅斛一帶雖有勝仗而勝乘等處傷亡員弁仍復不少似此日久耽延恐致貽誤蔣爵遠調度軍務能否得力著恆春密加訪查若實在調度無方難資整頓即著據實密陳毋稍徇隱上

官軍克復思南松桃

蔣爵遠孝順奏竊銅仁匪徒徐廷杰等分股撲陷松桃廳思南府當委代辦銅仁府事候補同知王敬烈管帶兵練會同各府廳州縣剿辦茲查得署思南府事福奎署思南營游擊富珠隆阿署安化縣知縣吳雲煦失守城營後分赴四鄉鼓勵民團招集散兵於十一月二十四日分路進剿兵練團丁奮勇斃賊多人當將思南府城收復查有外委姜仲元陣亡府學教授張鴻遠殉難賊匪退紮孫家壩二十八日分兩路來撲兵練分頭抵禦殺斃陸路賊七十餘人水路賊百餘人十二月初十日兵練進剿猝遇伏賊陣亡生員王子雋何學培田江等兵丁練勇多名十四日賊撲大巖關馬兵安定邦點放礮打斷賊隊大旂兵練出關掩殺斃賊百餘內有乘騎賊目嚴占鼈其水路股匪乘船六十餘隻順流而來外委王廷恩施放礮打翻賊船四隻松桃直隸同知恩彬先經奉扎帶領兵練在大巖廠防堵銅匪十月二十九日逆匪徐廷杰勾合孟溪場匪徒戴先鼈等假扮商賈入城十一月初一日該匪千餘人乘霧直入遂陷松桃恩彬帶練駐扎木樹汛令貢生黃兆槐協同廳屬土守備龍子先田慶福土千

貴州通志

前事志二十二

七四

總龍光品等親詣民苗各寨設法開導隨約會應襲果勇侯楊恩柯並湖南鳳凰廳屬土守備吳永清統帶黔楚兵練進剿十二月十五日進至五里牌將軍余老五帶賊數千前來撲截兵練分路迎擊生擒余老五賊即分竄回城先有文童黃文瀚自募鄉勇二百人假投賊夥以作內應至是內外夾攻殺賊三百餘人內有黃衣道人徐法顯賊勢不支開西南二門逃散旋經土守備吳國楨田慶福分途進剿楊恩柯並其弟文童楊文桓亦由小路抄前夾擊生擒偽將軍戴先鼈當將松桃廳城收復查有署經歷程鏞被賊戕害訓導趙國元不知下落十七十九等日偽將軍鄔黑虎自湖南永綏廳界敗回兵勇邀擊於木樹汛又敗之於孟溪除飭該府廳搜剿餘匪並飭代辦銅仁府候補同知王敬烈委署銅仁協撫標參將圖塔納迅速進兵克復石阡銅仁湖南護辰沅永靖道翟誥等出境會擊銅仁賊鳳凰廳土守備吳永清舉人吳國瑞等先至松桃賊退

賊自思州青谿犯鎮遠印水官軍擊卻之

蔣爵遠孝順奏再據鎮遠鎮府稟報十二月初三日銅仁匪徒二千餘人自青

谿縣攻撲府屬八弓汛城署印水縣丞劉侶鶴署鎮遠右營游擊楊家瑞並登城守禦斃偽元帥一名賊稍退却開城出擊適鎮遠鎮府派去兵練趕到兩下夾攻賊翻山紛竄仍奔思州

賊趨犯印水署縣丞劉侶鶴署游擊楊家瑞出禦千總汪尙燠自鎮遠來援合擊敗之賊還思州

十二月初四日余老科陷丙妹城縣丞周鍾秀遁署千總董定國死之

按黎平志記在九月說具前

吳登甲張准稟請令飭修攀梅等進兵下游圍規復蔣爵遠不省

蔣爵遠以候補同知王敬烈遙署銅仁知府清江協副將圖塔納遙署銅仁副將各率兵屯涇潭縣拒賊吳登甲及署鎮遠知縣張准稟畧曰下游五府已失其四鎮遠孤懸非能固守實天不絕黔留此為收復根本倘祇命王丞駐涇潭為自守計是已失各城不能收復即未失鎮遠各屬亦將全傾况賊由施黃可渡重安雖守涇潭何濟於事即謂龍貴定廣土賊逼近省會防堵宜先而下游亦皆赤子豈失陷各城任民從賊任賊殃民耶銅亂七旬之久苗亂將近一年

貴州通志

前事志二十三

七五

若令修鎮鄂協張道早赴下游何至四府廳州縣全淪現在銅賊屢敗於鎮遠沅州復敗於秀山川楚客兵早已臨境黔省主兵尚在涇潭去銅仁八日程即不思救下游何以對川楚耶又曰下游之事萌芽於苗破壞於教都勻教與苗合銅仁教與苗分易治而合難攻大抵教匪桀黠常陰結悍苗為外援苗賊陰狡則附和教匪以牽制若分兵千餘間道趨鎮或進駐施洞口各苗恐大兵將犁其穴必回自顧則教匪勢孤不難即滅革夷兩凱苗所掠財物皆藏本寨現同教匪在清平與官軍相持此其明驗爵遠不省以登甲等株守不出嚴斥之

提督孝順候補道張鏐等剿辦近省各屬匪

蔣爵遠孝順奏竊貴陽府屬貴定廣順長寨定番各廳州縣地方匪徒充斥經臣蔣爵遠派候補道張鏐署鎮遠鎮事副將修攀梅統帶雲南官兵陸續湖州副將鄂勒霍巴分途剿辦十月二十二日張鏐派候選同知樓一枝六品軍功陳榮陞統帶練勇搜山突遇賊二千餘人當即接仗知縣吳棻從九品羅森枝先後趕至匪始奔潰追殺數里山坳又出千餘賊復經派往接應之知縣高廷

鎮帶練會合各隊兜剿又殺賊三百餘人二十九日該匪糾邀都勻府屬之黑苗千餘前來報仇修攀梅鄂勒霍巴分派官兵練勇三路進剿追至王寨十一月初一日賊撲谷里小龍場等處初三日張鎮派隊進至蛇烏匪寨數千迎撲內有黃衣雉尾騎馬賊目槍上山梁經六品軍功馬金詔施放抬槍將賊目轟斃左邊林內突出伏賊高廷鎮與從九品黃崇光知縣吳某合隊追擊賊竄至蛇形山下府經歷魯祖康守備馬德恩等伏兵齊起前後夾攻斃賊二百餘人賊始四散竄走初六日賊撲貴定城南門署知縣樊希棟麾令兵練斃賊數十人有雉尾紅衣匪首糾衆繞攻西門適張鎮派往救援之兵練齊至夾攻六品軍功羅朝品手刃賊首練目嚴樹春亦矛刺數賊賊始敗退維時定番州屬大塘羅斛之賊進逼州城當飭修攀梅自貴定移師往救二十三日派隊進剿誘賊過橋八品軍功吳士貴執旗衝鋒手刃黃衣賊目一名兵練湧進賊即敗退遂解定番之圍賊退踞大塘羅斛又分股竄撲貴陽府屬之順德關並撲入廣順州屬之威遠汎城意圖進撲省城以牽制我兵二十六日防守順德關之知縣高廷鎮千總程占祥出關堵剿適由省派往協剿之雲南都司褚克昌帶兵

貴州通志

前事志二十三

七六

趕到賊始奔潰十二月初五日署廣順州知州杜琢章長乘營參將伊薩布各帶兵勇進剿威遠初七日臣率順自上游馳至十一日親督弁兵練勇分三路攻剿轟斃偽大元帥陳逢春即陳小滿殺死偽都督莫明紅衣賊首顧小五王老九陳阿章王老四及夥賊三四百人賊潰回威遠汎城兵弁追至賊關東門逃走守備燕升雲劉尊權馮世興等督衆入城現廣順長寨之賊俱已逃竄臣率順一面派弁兵跟踪追剿一面移營定番會同修攀梅設法剿辦諭蔣壽遠率順貴州貴定等州縣匪徒經蔣壽遠派候補道張鎮署鎮遠鎮總兵修攀梅等帶兵勦辦該署總兵等自上年十月二十二日至十一月初三日於王寨小虎場等處分頭搜剿先後斬擒賊匪一千數百人初六日賊復撲貴定縣城被兵練內外夾攻斃賊百餘賊即敗退大塘羅斛進逼定番州城修攀梅移師往援立解城圍賊復分股竄撲順德關並威遠汎城其順德關之賊被知縣高廷鎮等擊潰威遠汎之賊經署知州杜琢章等擊斃數十人率順自上游馳至督兵分路進攻轟斃偽元帥都督及夥匪數百人賊衆棄城而逃餘匪搜殺淨盡該匪徒等逼近省垣官兵迭次勦辦均屬得手所有出力員弁兵

勇著蔣壽遠查明保奏母許冒濫仍著督飭將弁將平越貴定匪徒剋日剿洗淨盡

東華

孝順以福連王成瑞剿落別扁擔山仲夷自往會張鎮修攀梅等分剿定番貴定擊走威遠賊連日候補州同于鍾岳雲南都司褚克昌敗賊張萌卡再合北鄉團毀沙子坳賊營樊希棟則遣魯祖康率鄉團破斬馬鞍山賊首宋三妹等

本紀

遵義餘匪竄擾桐梓仁懷在籍候選知縣蹇諤戰沒四杠千總池蓮培戰沒李家沱匪旋潰散

蔣壽遠率順奏竊遵義府屬地方經楊鳳煽亂之後人心未定因上下游夷苗滋擾所有善後事宜俱未辦及詎敢散餘匪於九十月間窺遵義兵少陸續潛回與附近鄉團尋仇報復經地方官查拏突然豎旂聚衆屯紮遵義桐梓仁懷三縣交界之紅巖頭地方並分股攻撲桐梓縣城業經奏報在案署桐梓縣知縣劉毅嬰城固守該逆又分股竄擾仁懷縣境署知縣江炳琳會督率兵練團勇擊退追至遵義縣屬官田壩二十三日進攻小巖門附藤孫升衝冒炮石

貴州通志

前事志二十三

七七

當將賊衆轟散二十八日署知府楊書魁署副將事祥福督帶兵練搶奪婁山關至桐梓十一月初十日祥福偕軍功知縣蹇諤張源進至四杠突遇賊匪數千人蹇諤奮勇當先手刃賊目二人陷入重圍力竭遇害祥福張源亦以衆寡不敵收隊回營十五日賊復撲桐梓縣城二十五日賊自李家沱分路來攻二十六日儘先藍翎千總池蓮培首先殺入賊營拋擲火彈燒營五座斃匪數十人突有賊匪自左邊衝來池蓮培受傷身死二十九日寅刻出隊黎明齊抵賊營施放火箭火彈匪從烈焰中奔出竄聚四杠黎壩石驛院等處江炳琳偵知紅巖頭大股賊匪接仗賊巢空虛密飭團首蔡永清勾通賊夥作爲內應親身會營督帶兵練鄉團於二十八二十九三十等日連將附近賊寨焚燒由小巖門殺入正鑿戰間蔡永清在賊巢放火斃賊不計其數遂將紅巖頭奪回十二月初四日祥福進剿四杠殺賊百餘內有偽將軍劉沛然當即戮尸梟示石驛院股匪於初五日竄擾遵義縣屬沙壩壩經外委陳紹升統帶團衆迎剿賊即翻山逃匿巖洞當將柴草辣椒火藥堆積洞口盡數焚燬適派往協剿之雲南都司王萬祥管帶開化官兵四百名趕到初九日會合遵義兵勇分路進剿賊潰

走羅家蕩初十日又會同進攻生擒賊目李二王扶等七人現在脅從之賊大半解散而賊首徐子容等尙未就擒嚴飭楊書魁祥福迅速剿辦並將被脅投誠之衆妥爲安插

諭蔣壽遠孝順貴州桐梓等處匪徒在遵義所屬之紅巖頭地方屯住分出肆擾著桐梓縣劉毅仁懷縣知縣江炳琳各帶兵練四路截剿殺賊數百人十月二十八十一月初十等日遵義府知府楊書魁游擊祥福等督兵奪獲婁山關追至四杠劉家灣等處合力焚剿連燒賊營五座焚斬匪徒八九百人江炳琳偵知紅巖頭賊巢空虛會同營弁先將附近賊寨焚毀圍首蔡永清潛往賊巢內應匪衆驚潰立將紅巖頭奪回十二月初四五等日祥福迭將四杠賊匪痛剿斬梟偽將軍一名沿途追殺潰匪百餘逃匿巖洞盡被官兵用火薰斃見在脅從之賊大半解散著蔣壽遠等嚴飭將弁迅將此股匪廓清並將逃賊首徐子容等擒拿務獲以淨根株

十一月初十日遵義在籍候選知縣寒謬追擊桐梓賊於柿岡戰沒賊復攻城二十六日千總池蓮培擊賊桐梓李家灣敗沒鄒神保從兄元明岡降約起應

貴州通志

前事志二十三

七八

官軍神保覺殺元明及團首王朝魁等數十人會桐梓正安遵義練皆集分道擊走之神保等敗回鴨塘江炳琳等亦援至毀紅巖頭賊營十二月祥福及外委陳紹升雲南都司王萬祥等連敗桐梓賊於岡沙壩張開梓通回石步場劉沛然往依之開梓取其首以降萬祥等追擒徐子容於石步土洞劉毅獲鄒神保孛神保與穆二童等遁水落洞

按柿岡蔣奏作四杠李家灣蔣奏作李家沱岡沙壩蔣奏作沙壩張開梓殺劉沛然以降蔣奏不載

承齡圖塔納自清平退平越黃鳳王定臣走氣洞河賊圍殲之

承齡圖塔納等自清平退平越遇賊雞場額外周世熊敗沒賊益張時黃鳳王定臣皆阻凱里以逗留礙職凱里賊力亟城中兵疲食盡卒得承齡檄令移軍香鑪山汎二十五日鳳等行至龍頭河無舟涉水渡天大雨雪爲苗賊邀敗奔至汎汎爲鄉團保聚不納圖奔清平至氣洞河賊圍殲之鳳定臣等兵練千三百人皆沒饑民從逃者死亡滿道賊盡得鳳等巨礮火箭諸利器益急攻凱里初城中斂金製械以守鳳等攜去民阻之不得乃悉資賊既而上江協千總黎

朝勳等脫至清平出承齡檄相質始知其僞或云賊爲之或云鳳等圖脫自爲之

凱里爲清平分縣居台清之交爲苗人必爭之地縣丞陶文量江蘇人和平坦易久於任苗情愛戴至是與委員黃鳳困守經年城內乏食餓斃破革俱盡乙卯十二月二十七日議悉衆出城決一死戰然賊饑疲之氓與兇苗鬪猶以羔犢并虎狼也鳳與民卒二千餘人俱死香鑪山下賊遂破城文量一家殲焉鳳由府經歷保舉知縣安徽人

咸豐五年十二月初六日承觀察圖協戎率部退紮平越清水江賊勢愈張二十四日王定臣在凱里以承軍退故亦率兵練轉清冒雪涉龍頭渡逆苗乘其凍餓沿途截殺貴陽營千總顧世均死于馬鬃嶺王定臣至青岡劫亦遇害兵民同死者千餘人

按鳳定臣奉承齡檄援丹江阻於凱里紀實謂鳳與文量困守經年不合凱里城陷在六年七月謂賊遂破城亦未毀苗變記並黃鳳亦失載

御史伍輔祥奏請劃清黔蜀疆界

貴州通志

前事志二十三

七九

掌廣西道監察御史伍輔祥奏竊以黔蜀交界各縣額皆八九百里山多田少林深箐密道路險峻盜賊易於藏匿又犬牙相錯緝捕爲難即如四川之綦江貴州之桐梓仁懷該三縣交界處所數十里之中本爲綦界者忽插入桐仁一段本爲桐仁界者忽插入綦江一段似此之類不一而足從前遇有盜賊之案某往捕則竄入桐桐往捕則竄入綦迨用公文會拏而賊已遠颺無踪矣且該三縣地瘠民貧無緝捕經費地方官任其盜賊充斥粉飾彌縫以冀邀免處分所以賊匪愈積愈多前道光十八年穆爾察作亂經雲貴總督伊里布帶兵剿辦用帑帑十萬餘始獲蕩平咸豐四年八月革役楊隆喜並穆繼賢之子姪穆二頭等數人倡亂糾合窮民數萬人謂除亂戢之害緣桐梓每年征收錢糧無論一兩二兩之多一錢二錢之少總須加征銀五錢名曰躡賊官肥囊裏民甚苦之故該匪借此爲口實也現在桐仁俱已收復遵義已經解圍餘匪自可漸次肅清但該處地形遼闊易爲盜賊之藪疆界錯雜易開逃脫之門彈壓無人難收緝捕之效倘非力爲整頓勢必後患潛滋應請旨飭令四川總督貴州巡撫各派幹員會同劃清疆界某處所插之地應歸併四川某處所插之地應歸

併貴州總期疆界秩然無許犬牙相錯夾雜不清更於交界要隘處所酌撥府城武弁移住以資彈壓倘有賊盜立即拏送該縣究辦勿令遠颺毋令嘯聚至於舊立田土等契亦仍其舊無庸更換以防擾累庶幾疆界明而盜賊無可隱匿緝捕易而宵小自易肅清矣

貴州通志

前事志二十三

八〇

貴州通志

前事志二十四 咸豐六年

清

咸豐六年春正月湖南巡撫駱秉章遣師援黔

諭軍機大臣等前已有旨諭令黃宗漢飭令蔣玉龍傳崑等帶兵相機進剿與黔協力夾擊並令萬福扼守川省門戶為蔣玉龍等後援又諭駱秉章酌量情形令文安督兵由楚入黔藉資堵剿茲據蔣壽遠奏稱該匪等竄奔思南石阡後又有窺伺思州之信賊氛猖獗急須催兵會剿見在傳崑已經到黔其蔣玉龍之兵因秀山一帶松桃餘匪未盡以致赴黔稍遲文安所統各兵亦恐因晃沅等處道途不靖未能出境業經屢次降旨飭催著蔣壽遠探明川楚官兵見抵何處派員迎接以資協擊必先就見有兵力分撥進剿毋得專待客兵至思南石阡是否旋失旋復並著蔣壽遠確查具奏思州被擾已據文安奏報該撫亦探有匪徒竄往應即嚴飭帶兵員弁趕緊迎剿勿令蔓延

東華

貴州通志

前事志二十四

一

柏張萬書等督率兵勇由大興場邊界追剿銅仁竄匪乘勝躡踪前進即著該撫飭令該守備趕緊剿辦會合貴州官兵以期痛殲匪類而欲殺靖黔疆尤必先清楚境永綏鳳凰兩廳屬尚有苗民未盡帖服亦應迅速妥辦庶無內顧之慮其黔楚交界地方仍飭文安及護道翟詒穀嚴扼門戶毋令匪徒窺伺

同上

孝順修攀梅復大塘城孝順進圖羅解

孝順以貴定兵集因同修攀梅等圖大塘孝順出定番連破雷坡巖脚大小牛場播翁甲浪寨牛尾坡諸賊而進修攀梅亦分道至打華塘進逼大塘望城坡賊出犯卻之十二日修攀梅復大塘城掘金掘忙賊黨悉降孝順旋率桂林守備燕升雲馮世興等進圖羅解賊臘架禽賊首羅何保斬之

羅何

官軍克石阡匪首毛大仙伏誅銅仁圍紳楊純昌等亦會同湖南援軍克復銅仁

丁巳諭內閣貴州銅仁匪首徐廷杰連陷四府一廳疊經官兵撲剿收復思南松桃思州該匪尙在石阡及毛家寨等處屯聚候補知府王敬業署餘慶縣知縣黃潤昌帶兵進剿署知府黃培杰約齊團練奮力迎擊追抵石阡城下當將府城克復毛家寨匪黨望風而潰賊巢盡行焚燬惟時湖南兵勇越境會剿業

已克復銅仁餘黨潰散著蔣爵遠等嚴飭各員弁迅速搜剿務將匪首徐廷杰
毛大先等悉數擒護以淨根株黃培杰陳定元均著開復革職處分游擊鄂清
於楚兵協剿銅仁時帶勇打仗七次隨同克復尙屬愧憤著免其查辦東華
諭蔣爵遠孝順貴州思南石阡二府前經官軍克復後匪首毛大先等尙竄逃
未獲正月二十等日署知府福奎於邵家橋等處剿賊踏毀賊營三座生擒偽
將軍李春貴等其龍泉縣柳口之匪經署知縣陳世鏞等於正月十九等日剿
斃五百餘名生擒偽將軍李老七偽先鋒謝池濼等嗣匪首毛大先竄至江陽
縣一帶地方經候補同知王敬烈等管帶兵練往剿即將毛大先及攻破思南
之逆匪楊斗洪等四人一併拏獲又捕得攻陷石阡之逆匪李春林等八名俱
分別正法惟銅仁匪首徐廷杰是否業經殲斃仍著蔣爵遠等嚴飭在事員弁
迅速追捕以清餘孽上同
諭駱秉章黔省苗匪肆擾攻陷松桃銅仁經駱秉章督派員弁不分畛域由楚
入黔先後將兩城克復辦理尙爲迅速惟首逆徐廷杰是否就戮尙未可知而
在逃餘匪亦必須撲捕淨盡方能永杜亂萌蔣爵遠身任該省封圻責無旁貸

貴州通志

前事志二十四

二

銅仁之變既以錢糧緊絀總由官吏辦理不善以致頑民轉相煽惑著蔣爵遠
簡擇廉能文武員弁如有貪虐激變及臨事逃避者即著據實參辦以儆其餘
上同
十一日石阡舉人劉慶元等率直橋團復府城不利慶元同生員劉鳴盛楊
應清思南增生周璜等陣歿賊出攻直橋時武生左觀光求援施乘罵溪宋德
高團十三日夜援至黃第德高與其弟亦敗歿城賊益趨直橋黃培杰陳定元
等在馬桑坪乘虛襲府十四日石阡城復賊自直橋回焚附城河街培杰等固
守十五日敬烈及彭瀾率軍至與培杰等共敗賊福奎富珠隆阿等又敗之邵
家橋仙人江署龍泉縣知縣陳世鏞敗之桶口塘頭時鎮守都司侯光裕守備
田宗蕃舉人吳自烈亦率楚軍援至銅仁屢敗賊鄂清等往會二十三日徐廷
杰等出城走死梅濟鼎中戰早死銅仁城亦復敬烈培杰等乘勢毀石阡荊竹
平賊營賊退毛家寨復毀之敬烈會圖塔納追賊印江江陽毛大仙等乞援茶
寨王士秀士秀亦號大仙先與賊比至是縛獻大仙及其弟士福印江賊首李
春林亦降培杰誅之紀

六年正月因上年貴州銅仁松桃賊匪竄入旋即擊退出境隨派都司侯光裕
守備田宗蕃張萬書熊興柏舉人吳自烈千總周洪印等營越境進剿旋將松
桃廳城收復隨進攻踞銅仁之賊二十三日又克復銅仁府城年譜
六年正月舉人劉慶元生員劉鳴盛楊應清周璜等來援敗死上元監生朱巨
川朱錫蕃赴援又死之既而賊衆往燒直橋知府黃培杰都司陳定元聞城內
空虛輕兵襲之悉屠賊城內餘賊次日賊衆反撲城適銅仁援兵至追殺無數
茶寨王士秀本黃號投誠禽毛李二賊來獻斬之石阡
楊純昌府庠生以軍功擢同知始於十月中返自江西知本籍有教匪陷城星
夜趕歸十二月初一日抵家偕弟浚昌約鄉紳陸自祿張瑞全集團保境義旗
甫建來從甚衆有璞口場團首庠生楊翊政在城庠生羅永敦營弁王全魁王
國昇熊朝珍王瀾張慶芳等探知匪勢日熾謀復城於二十五日進紮桐梓巷
有告奮勇由中南江宗兩門攻城者匪以炮迎擊隊長楊士香侯昭團丁廖高
死焉匪由江宗門出城爲團所敗溺死甚衆鄉團火器未備王全魁以王國昇
所藏滑石汎銅炮十餘位解至陣前置沿岸一帶二十八日匪由西門渡河從

貴州通志

前事志二十四

三

大江坪水淺處直撲團軍楊翊政率練迎敵於木杉河其弟正昭死之純昌分
隊截剿而以羅永敦帶募勇伏奇腰擊匪大敗死於水者浮江下二十九日匪
堅守不出是日除夕練丁多還家度歲純昌恐匪乘虛夜劫乃整隊魚梁灘渡
河作攻城狀以疑之匪不敢動元日午後團衆復集匪莫能測是日偽副軍師
陳福林於東山下飛山廟進香團丁張世琦炮擊之中肩斃從者數人士心愈
見踴躍純昌積勞臥病六龍山團首選貢潘作霖慮不支因說滕自祿撤所部
歸自祿旋悔復來純昌見人心不齊恐久持非計商令王金魁往鎮守請援鎮
守軍督帶官索犒銀三千兩純昌憤甚熊朝珍等咸勸行權求濟於是聯名署
券復往馳請都司田宗藩等始允前進初九日匪探聞作霖消息疑衆心渙散
申刻出大隊由大江坪渡河擬偏剿下三洞純昌力堵河岸放火延燒桐梓巷
一帶屋宇守城賊復以大炮轟擊遙相應純昌率衆由隘門口且戰且退長子
青園負傷季子儲英聞信帶親丁百名前來迎護始收合餘衆方部署間王
魁飛騎來報云接鎮守軍來書令我衆仍紮桐梓巷退匪竄路初十日鎮守各
營均抵城下道標都司田宗藩紮桐梓均監生洪文元紮架標山鎮標都司吉

隆阿侯光裕紫雲山營未成匪悉衆衝突鎮軍合力痛剿匪敗歸自此惟東北一面吃緊西南阻水匪無暇渡河攻撲矣由十二至十七日吳芬苟等由上五洞逼脅數千人來城每陣必敗十八以後日有逃匪二十二日田宗藩來約是夜四更併力攻城彼由東北門進命團軍由中南下兩門攻入約既定純昌命弟浚昌及協標外委熊朝珍額外王金魁督率張瑞全龍家臣羅喬際家雲楊期昌等各帶練丁分道進攻匪方死據東北門西南守者寥寥熊朝珍等奮勇登城鎮軍亦由東北兩門攻入斃匪甚衆陳福林徐廷傑敗至府署遇朝珍等截住復由江宗門奪路出城死者枕藉匪出江宗門渡河舟覆溺死無算或言廷傑勞苟皆死於水惟陳福林劉世美逸去是役團練餉精悉出純昌所措從姪聰勝暨同宗葆光與有助焉明仁

按劉世美旋就獲正法見蔣撫奏報據銅仁志復城之役楊純昌功最多上諭不之及知奏報沒之也

蔣爵遠奏請嚴催協欵並請將廣東解欵改撥近省

貴州通志

前事志二十四

四

半初則挪用藩庫存銀繼則全恃山西川滇協貼其廣東江西粵海關等處欠解部撥例餉銀兩疊奉諭旨諄催總未絲毫解到以致五年分夏秋冬三季六分春季兵餉無從措給而上下游各處兵勇欠發鹽糧自六七十日至三四十日不等川陝等省雖各有續解銀兩無如寅吃卯糧不敷還欠目下所憂不惟賊匪滋擾民不得耕兼慮兵勇變生肘腋不敢不爲我皇上敬陳之各營兵丁奉調防剿除給行糧外例給鹽菜夫價銀兩自餉不繼兵丁食用出之賒取及欲移營則估索還欠令下不行停兵待餉一也各營因缺坐餉兵丁眷屬扶老攜幼日向本營備弁百般勒索觀其鴟而鳩情形狀官亦理屈威窮二也各營將備弁目因俸廉無項支發典質稱貸負累已深遇有差遣甚至衣履不完相聚愁歎三也各處所募練勇多係無業遊民餉銀不繼逐漸逃亡其強者更敢恃衆挾制持刀索餉搶掠食物官不能禁四也軍興之處丁糧皆不能徵而兵米祇有定額常平倉穀既碾發行糧餘無多不敷借撥若另行採買又需鉅款且山路崎嶇輾轉運解需費較繁米價運脚兩無所出是兵米亦費需商五也凡此五端變生不測苟無餉到禍在目前臣體查各匪情形大半烏合誠

得數十萬銀以鼓勵現有之兵勇尚可趕緊剿平如餉需不繼內變疊生賊且日滋倍難辦理臣何能當此重咎伏查江西廣東粵海關等處歷年欠解貴州例餉共銀一百四十五萬九千餘兩又咸豐四年秋間奏奉諭旨敕令四川山西陝西三省湊撥銀五十萬兩除陸續解到外山西尙短解銀三萬六千餘兩陝西尙短解銀十萬六千餘兩以上兩欵伏祈嚴旨諄催令各該省無論如何刻日委員趕解到黔以濟急需至咸豐五年十月十一日奉上諭諭知葉名琛等籌備銀二十萬黃宗漢籌備銀十萬兩解往貴州以資接濟等因欵此遵查四川籌備銀兩業已解到八萬其餘係赴黔川兵借支行裝支應沿途糧餉約敷十萬之數惟廣東籌備銀兩並無起解消息且查廣東至黔須由江西湖南經過江西現辦軍務湖南亦在防剿中途節節梗塞即使繞道行走而路多險阻仍恐不能解到現在貴州情形實有朝不及夕之勢惟有再懇聖恩於附近貴州鄰省中改撥二十萬兩以資接濟臣具有天良自當殫絕血誠摺節動用並催各路迅速剿辦不准耽延致糜餉項

蔣爵遠奏官票難行當十大錢不能流通請俟軍務告竣設法妥辦

貴州通志

前事志二十四

五

蔣爵遠奏竊臣接准戶部咨開議奏帑項支絀擬請統籌全局遇事覈實節財之流以期裕財之源一摺欵奉諭旨著各省督撫按照部摺所議勒限三個月將應立官號一律開設並將開設官號章程於接到部文一月內先行奏報臣隨欵遵諭旨率同署藩司覺羅炳綱臬司桑春榮悉心酌議查前年戶部頒發官票銀十萬兩來黔正值獨山州匪徒楊沅保桐梓縣逆匪楊瀾先後倡亂調兵剿辦因票本難籌尙未能行用緣黔省賦稅歲入僅二十一萬兩而歲出約有一百二十餘萬兩以出欸而計十倍於入大都藉資外省接濟無如部撥江西等省協餉分釐未經解到司庫又挪墊一空致令應發咸豐五年夏秋冬三季例餉概未支給現擬將銀票分成搭放各營兵餉分成收捐先由省局試行能否流通尙難豫定至年例收發各欵原可分成收發奈值上下兩游夷苗滋擾兼之各處土匪聞風響應道路梗塞商賈不通百姓逃避稅課竟無交者歲入地丁十二萬餘兩四年已免十分之三抵作各屬五年丁銀縱有徵解無不就近撥作防剿經費之用上復經夷苗肆擾除被賊蹂躪地方應請展緩外其餘辦理防剿各府廳州縣難望其如數徵解司庫直無可收之項又各屬

請領驛費夫役工食等款因庫項萬分支絀不能按季發給即所發者亦止十分之四五在驛站人役已屬枵腹當差若再分成搭放銀票勢必滯礙難行是無可以票搭收之款惟冀分成收捐而黔省地方瘠苦甲於天下紳民素鮮蓋藏又值屢捐之後縱有人捐爲數無多若無人買票上捐即以兵餉搭放兵丁領票無處行銷仍非現銀不領是銀票必須有收方能取信於兵民現在有放無收安能望其流通銀票既無人買票本即無所出若待外省餉銀解到則各處糧臺均有欠發兵勇數月口糧隨收隨發尙且不敷歸還欠項又何能騰挪先作票本黔省之官票難行實由於此至貴陽大定兩處錢局前經奏明添鑄當十大錢係於照例搭放兵官餉俸役食制錢內添搭大錢一成省中商民雖能行使大錢僅搭十之一二省外則未能通行更有安順興義普安各屬民間以錢貿易者不分錢數之多寡祇以斤兩之輕重較出入若搭放大錢匪特兵民難以零星使用且恐別滋事端當十大錢之難流通又由於此黔省情形與別省不同再四熟籌收放銀票與加鑄大錢應俟軍務告竣協餉源源解到通盤合算設法妥辦

貴州通志

前事志二十四

六

二月命炳綱來京以王成璐署貴州布政使
提督孝順克羅斛州城

蔣爵遠孝順奏竊上年十月定番州屬羅斛州判吳瑞生嚮賊被戕城池失守本年正月克復大塘臣孝順即由大塘一路前往剿辦查大塘至羅斛二百數十里節節有賊正月二十二日臣孝順移營董召二十三日分隊進攻蜡架左隊都司桂林守備燕升雲右隊儘先守備劉尊權各斃賊百餘名前隊署守備馮世興冲入賊牆生擒紅袍賊首羅阿保等二名並將賊壘燒燬又於懸巖深洞中陸續捕獲首匪羅阿抱等二月初一日攻羅漢洞獲僞元帥唐老九僞將軍盧尙發盧老春趙官林僞先鋒班阿署羅安心唐大蠻初八日進攻岵羊附近之猪場賊即潰入癩子洞洞內藏有賊匪男女大小數千人當備柴草薰燒復以大石塞斷正欲進攻羅秧詎賊援紛至約有三四千人備弁等分帶兵練迎頭截擊追至羅秧焚其巢穴而還初九日進攻打港追至板庚滿山皆賊當飭馮世興千總宋朝榮賀萬年等由左桂林劉尊權把總徐沛榮外委羅應春由右臣孝順親督大隊由中奮勇直前左右兩隊亦各拋放火箭火彈燒燃賊

房匪遂分竄追殺無數十二日官兵進紮板庚十三日攻剿里也賊約三四千人蟻集山梁恃險抗拒馮世興等帶領兵練衝鋒升匪不能抵奔往里准官兵兩翼追殺臣孝順由中路督剿追至里准適燕升雲馮世興兩翼兵勇翻山壓下火焚賊巢探得距板庚五十餘里之王岡地方有粵匪數千人過河嘯聚十四日寅刻出隊之後突有羅化里七里准黃瓜羅斛等處賊匪萬餘人乘虛來撲營盤當經守營之升用守備汪文鈞儘先千總楊貴全得勝把總關炳文等出營勦殺往回十數次該匪恃衆直至營門臣孝順聞信中途折回麾令兵練分頭迎擊無不以一當十至酉刻匪始敗潰十六十七兩日攻剿黃瓜羅化悉將該處賊巢焚燬十八日進營羅斛探知城內賊匪於三日前竄聚羅羅求等處十九日進剿隨分兩翼抄襲並有前任羅斛州判之幕友孫長源帶團助剿生擒僞二元帥王么等遂將羅斛城池收復餘匪竄聚黎亭掘羅

二月孝順連敗賊板庚羅央羅化十九日復羅斛城

按据黔亂紀實陷羅斛匪首爲奸胥羅亮今蔣奏及紀畧皆不載

貴州通志

前事志二十四

七

苗賊圍台拱久軍食垂罄韓超丁憂卸署同知知縣張禮度上江協都司賈連升自廳城突圍走勝乘賊圍之五岔十餘日不得進苗賊攻台拱益急良苗有不從者發其墓邵鴻儒署參將富宗等嬰城守楊啓賢自鎮遠來援敗賊塘頭哨賊攻勝乘署守備姜兆麟出禦啓賢軍適至賊退二十日超等自五岔突圍走黃鼓屯賊復圍之啓賢自勝乘再往救內外力戰禮度及上江協把總劉鄭勝外委許恩貴都勻協把總李定忠外委吳華奇王治興貴陽營把總唐萬賓外委游起貴永安協把總劉大鈺候選縣丞王泰臨從九陽餘齡等陣沒兵練同沒者二百餘人禮度母妻任家口二十餘皆被害超連升等得脫同啓賢至勝乘連升中傷

夫苗變之由實由招苗練以討楊逆黑苗自經張廣泗屠戮後頗知畏法百餘年來不敢稍肆自苗練從征以後凡行伍之罷懦餉糈之匱乏關隘之虛名城池之無備悉了然于心然猶未敢猖獗者以有土司之噉伺其間也自張禮度權清江通判倡議裁土司而變局成夫苗人世守土司節制惟命是聽土司之不肯相率爲亂者有世祿以羈縻之也廣泗平苗苗之死者十七八俯首就戮

其時裁撤土司如反掌願計不出此意必有在也禮度何人師心自用其醜禍一至於此全家死餓誠不足惜百萬生靈亦何辜哉紀實

賊渡清江水掠至巴香承齡自紅巖退虎場蔣壽遠奏擬承齡職以張鎮署貴東道乙亥諭內閣恒春蔣壽遠奏貴州貴東道承齡查辦清江水一帶匪徒有苗教各匪徑趨紅巖渡口分股抄出兵練之後以致兵練驚潰退紮貓場實屬調度無方承齡著即革職仍留營效力以觀後效東華
樊希棟數敗賊東山平賊邀之乾溪失利生員熊開元張繼銘武生熊魁元熊占元等皆沒于鍾岳褚克昌等分擊賊於四百戶傅昆攻大塘山皆不利平番千總守備潘玉春永甯外委趙奮揚千總岳奇斌皆及二十五日賊徑渡清江水掠至巴香汛大小谷龍龍里生員羅國珍陣沒知府徐河清防清江水不能禦省城戒嚴承齡先由平越退守江內洛邦至是再退虎場蔣壽遠以承齡督辦不力奏職職仍隨營效力以張鎮署貴東道東華
甲寅夏桐梓楊鳳作亂圍遵義郡城韓太守超募苗勇禦之余反自楚道遇苗勇散歸者語多輕官軍余曰大難作矣營葬時時為父老說其利害當早為計

貴州通志

前事志二十四

八

父老請余主持乃約鄉里十餘寨請於官行保甲遠近數十寨爭來附是時台拱以徵糧激苗變矣乃請於官立忠孝團分十二局局各設於適中地推舉父老之公正殷實者主之余曰團立矣而不練猶無團也乃擇其子弟之壯健者局數十人教以擊刺勒以什伍余時閱視而賞罰之曰技藝習矣徒手可搏賊乎父老然其言乃勸富者出資財製鎗礮旗幟刀槊火藥各存於局余曰器械備矣無食不可也有事貧者出力凡以為富也富者量力出穀若干籍記於局而存於其家有事碾而致之局凡有舉余必為之倡父老故皆樂從余言行八閱月一切大備而巴香夷酋龍丹山亂作承觀察齡退至虎場賊尾之省城戒嚴琴陽黃丈方為城守計書約還城余以還城無能為役復書當率團練搗其巢賊自退以忠孝團境與巴香止隔一南明江也夜分遣人四出調閱沿江守隘而自率五百人山牛場進賊聞遁歸平遠少保丁公實植時以庶常在籍練團勇自大谷隴乘之賊遁江外踞老鷹洞少保圍之余乃歸成山志
三月署副將陳得功破郎岱羊場賊禽斬賊首朱大黃瓜
先是六枝鋪林洞有白蓮教惑眾土千總隴廷桂及朱大黃瓜等信之因作亂

正月初王成璠福連遣申有謀等擊朱大黃瓜於郎岱把士寨已而朱大黃瓜屢犯郎岱永安協副將特克慎署同知石均等禦之申有謀陳得功馳援至賊解去福連復自永甯來會敗賊花脚箐二月二十八日恒春至郎岱三月王成璠告病辭營務白人鵬亦求退恒春以陳得功領其軍進破羊場賊申有謀獲朱大黃瓜等誅之東華
銅仁餘賊朱元兆等挾幼童肥它它起

肥它它本姓吳名三童元兆等謂其眼長耳大左右巨指有斗文稱為偽主復託亂筆以劉世美田瑞龍等為偽帥聚眾松桃西北石峴衛本苗地嘉慶苗亂平清釐逆產奏設衛屯苗屯雜居時苗賊乘亂思逞謂屯地皆其祖業謀奪回瑞龍因與結蔣玉龍方率川兵自秀山赴鎮遠十九日遇瑞龍平頭司擊敗之苗賊遂圍衛城恒春檄布政使炳綱按察使桑春榮等曰接准湖南撫院咨稱上年銅仁起事實由錢糧折色征收谷賤病農所激而成此民間疾苦所望官為斡旋者第事隸隔省未便越俎代庖所賴於善後事宜首先籌及則官民浹洽可期永遠相安等因本部堂閱此真上無以對朝廷下無以對百姓並無

貴州通志

前事志二十四

九

以對鄰省愧恨交集無地自容未識該司亦動念否東華
廣西泗城匪犯册亨署州同劉寶善戰死團蛇寨
三月二十五日署册亨州同劉寶善擊賊團蛇寨賊死生員劉志明等同沒寶善潔已愛民其死也苗民哀慕共祠之二十九日千總劉國恩及其子武生煥章陣沒八渡汛東華
六年粵西大夥手仍在八渡對河沿江滋擾劉州同寶善移請册亨營都司徐耀庭帶領兵丁於二月初往八渡防堵該匪用誘軍之計于三月二十四日四面埋伏劉在團地力戰死冊亨
按大夥手即岑亮弼
夏四月王成璠以病免以沈棟輝為貴州布政使東華
按沈棟輝官廣東按察使未到任
以文謙為貴州布政使上同
總督恒春奏上游苗匪肅清移營下游
恒春奏竊照攻破馬鞍山羊場要壘生擒首逆朱大黃瓜伏查馬鞍一帶苗宇